

Na osnovu člana 22 Statuta Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 2/10 – prečišćeni tekst), Skupština Brčko distrikta Bosne i Hercegovine, na 63. redovnoj sjednici održanoj 4. septembra 2024. godine, usvaja

**ZAKON**  
**O IZMJENAMA I DOPUNI ZAKONA O JAVNIM PREDUZEĆIMA**  
**U BRČKO DISTRIKTU BOSNE I HERCEGOVINE**

**Član 1**

U Zakonu o javnim preduzećima u Brčko distriktu Bosne i Hercegovine („Službeni glasnik Brčko distrikta BiH“ – prečišćeni tekst, broj 22/18 i brojevi 5/20 i 10/22) u članu 12 stav 1 tačka f) mijenja se i glasi:

„f) lica koja su pravosnažnom sudskom presudom osuđivana za vršenje krivičnih djela na kaznu zatvora u trajanju dužem od šest (6) mjeseci.“

Iza tačke f) dodaje se tačka g) koja glasi:

„g) lica koja imaju 65 i više godina života.“

**Član 2**

Član 21 zakona mijenja se i glasi:

**„Član 21**

**(Uslovi za imenovanje direktora i zamjenika direktora)**

(1) Za direktora i zamjenika direktora može biti imenovano lice koje ima:

- a) državljanstvo Bosne i Hercegovine,
- b) najmanje visoku stručnu spremu (VSS) VII/1, koeficijent obrazovanja minimalno 240 ECTS bodova,
- c) najmanje pet godina radnog iskustva nakon sticanja visoke stručne spreme,
- d) manje od 65 godina života.

(2) Za direktora ili zamjenika direktora ne može biti imenovano lice koje je pravosnažnom sudskom presudom osuđivano za krivična djela na kaznu zatvora u trajanju dužem od šest (6) mjeseci.“

**Član 3**

Član 24 zakona se mijenja i glasi:

**„Član 24**

**(Razrješenje direktora ili zamjenika direktora)**

Upravni odbor razrješava direktora ili zamjenika direktora s dužnosti, prije isteka mandata na koji je imenovan, i to:

- a) na zahtjev direktora odnosno zamjenika direktora,
- b) ukoliko direktor ili zamjenik direktora više ne ispunjava uslove za imenovanje,
- c) ukoliko osnivač ne usvoji izvještaj o radu i finansijskom poslovanju javnog preduzeća,
- d) ukoliko su ispunjeni drugi uslovi propisani zakonom, aktom o osnivanju, statutom i drugim važećim aktima javnog preduzeća,

- e) ukoliko direktor odnosno zamjenik direktora ne izvršava obaveze i dužnosti koje su propisane zakonom, aktom o osnivanju ili drugim aktima javnog preduzeća.“

#### **Član 4**

Iza člana 42 dodaje se član 42a koji glasi:

#### **Član 42a**

#### **(Izuzetak od primjene)**

Odredbe člana 12 stava 1 tačke g) i člana 21 stava 1 tačke d) ovog zakona ne primjenjuju se na lica kojima u momentu stupanja na snagu ovog zakona traje mandat člana upravnog odbora, direktora i zamjenika direktora.

#### **Član 5**

Ovaj zakon supa na snagu osmog dana od dana objavljivanja u Službenom glasniku Brčko distrikta BiH.

Broj: 01-02-4865/24

Brčko, 4. 9. 2024. godine

**PREDSJEDNIK  
SKUPŠTINE BRČKO DISTRIKTA BiH**

mr. sci. Siniša Milić, s. r.